



Universitätsbibliothek Paderborn

**Directorivm. Servandi Pvblicas, Sacrasqve Processiones,
Sev Svplicationes, Tam Ordinarias, quae fiunt certis
diebus per annum; quàm extraordinarias, quae varijs ac
publicis Ecclesiae de causis in ...**

Coloniae Agrippinae, 1640

in tertia.

urn:nbn:de:hbz:466:1-9480

Datur benedictio ut supra, & clerus aut chorus incipit canere uti dictum est, & sic proceditur ad tertium Altare.

APVD TERTIVM Altare seu Stationem.

Omnia ut supra seruantur. Per Diaconum tertium (si tot sint,) defertur ad Altare liber, imponitur ab Officiatore incensum, & dicto Munda cor meum, &c. habitaque benedictione Diaconus canit initium Euangely tertij, & in fine eiusdem obseruentur ea que posita sunt post primum Euangelium.

Vers. Cibauit illos ex adipe frumenti, all.
Resp. Et de petramelle saturauit eos, al-
leluia.

OREMVS.

DEVS qui nobis sub Sacramento mirabili, passionis tuæ memoriam reliquisti: tribue quæsumus, ita nos Corporis & Sanguinis tui sacra mysteria venerari: ut redemptionis tuæ fru-

fructum in nobis iugiter sentiamus.
Qui viuis & regnas in sæcula sæculo-
rum, Resp. Amen.

Officiator, thurificato Sacramento, facit
omnia ut supra post primum Euangeliū.
Postea canit :

Vers. A fulgure & tempestate,

Resp. Libera nos Domine Iesu Christe.

Vers. Fiat Misericordia tua Domine su-
per nos,

Resp. Quemadmodum sperauimus in te.

Vers Domine exaudi orationem meam.

Resp. Et clamor meus ad te veniat.

Vers. Dominus vobiscum.

Resp. Et cum Spiritu tuo.

OREMVS.

Clementiam tuam omnipotens
Deus suppliciter deprecamur, ut
benedicere, visitare, & irrigare digne-
ris fruges, & fines seruorum tuorum,
noxias tempestates amoueas, inundationem
coerceas, imbrui, spirituales
repellas nequitias aërem salubrem in-
dulgeas: & ab omni nos inimicorum
infestatione in pace defendas, quos
Corpore & Sanguine Filij tui à morte
per-

perpetua redemisti. Per eundem Christum Dominum nostrum. *Resþ. Amen.*

Data benedictione ut supra, inchoatur denuò per Clerum aut Chorum Hymnus aliquis vel respons. &c. ut ante.

APVD QVARTVM Altare seu Stationem.

Delato libro, imposito incenso, & dicto: *Munda cor meum, &c. per ultimum Diaconum accepta benedictione canatur initium ultimi Euangely.*

Fiunt omnia ut supra.

Vers. Educas panem de terra, alleluia.

Resþ. Et vinum lætificat cor hominis, all.

O R E M V S.

DEVS qui nobis sub Sacramento mirabili, passionis tux memoriam reliquisti: tribue quæsumus, ita nos Corporis & Sanguinis tui sacra mysteria venerari: ut redemptionis tux fructum in nobis iugiter sentiamus. *Qui viuis & regnas in sæcula sæculorum.*

Resþ. Amen.

Offi-